

Projekat razvoja tržišne poljoprivrede II (FARMA II)

Program pomoći američkog i švedskog naroda

POZIV ZA ISKAZIVANJE INTERESA

ZA PODRŠKU PROIZVOĐAČIMA/PREDUZETNICIMA IZ POLJOPRIVREDNO-PREHRAMBENE INDUSTRIJE U FORMIRANJU UDRUŽENJA, ZADRUGA ILI DRUGIH OBLIKA FORMALNIH ILI NEFORMALNIH ASOCIJACIJA

I Uvod

USAID/Sweden Projekat razvoja tržišne poljoprivrede - FARMA II pokreće širok spektar aktivnosti koje imaju za cilj povećanje konkurentnosti sektora agrobiznisa u Bosni i Hercegovini. Ova aktivnost, pod nazivom AgMENTOR centar podrške, omogućiće pristup kvalitetnim i raznovrsnim poslovnim uslugama koje će uticati na rast i razvoj poljoprivrednih proizvođača, njihovih udruženja i zadruga ali i malih i srednjih preduzeća i drugih poslovnih subjekata iz ruralnih područja. Pored pružanja planiranih usluga, AgMENTOR centar podrške predstavljace „one stop-shop“ odnosno multifunkcionalnu lokaciju u kojoj će ruralni akteri imati podršku za unapređenje poslovanja i dostupnost svih informacija vezanih za razvoj poslovnih inicijativa.

II Opis aktivnosti: Podrška uspostavljanju i jačanju poslovnih/ruralnih asocijacija

Kao implementatori aktivnosti AgMENTOR centra podrške za centralnu Bosnu i Hercegovinu, REZ – Regionalna razvojna agencija za regiju Centralna BiH i Udruženje građana "NEŠTO VIŠE" (REZ i UGNV) pozivaju grupe poljoprivrednih proizvođača i/ili preduzetnika (žene i muškarci) iz općina navedene regije¹, da se prijave za podršku za uspostavljanje i jačanje poslovnih/ruralnih asocijacija.

Cilj ove aktivnosti je pružiti podršku formiranju formalnih i neformalnih grupa zasnovanih na zajedničkim interesima, a koje će im omogućiti zajednički nastup ili zajedničke aktivnosti u svim budućim poslovnim poduhvatima. Proces i aktivnosti odabranih grupa će biti verificirani potpisanim obavezama učesnika grupe, evidencijama zajedničkog rada i dokazivim ishodima koji odražavaju grupne aktivnosti. Ova aktivnost sastoji se od četiri kvartalna ciklusa, a po dvije grupe po ciklusu će biti odabrane i podržane u njihovom uspostavljanju i jačanju.

¹ Navedena regija uključuje općine/opštine: Breza, Bugojno, Busovača, Centar Sarajevo, Čajniče, Doboj Jug, Donji Vakuf, Foča, Foča Ustikolina, Fojnica, Goražde, Gornji Vakuf/Uskoplje, Hadžići, Han Pijesak, Ilidža, Ilijaš, Istočna Ilidža, Istočni Stari Grad, Istočno Novo Sarajevo, Kakanj, Kalinovik, Kiseljak, Kreševo, Maglaj, Novi Grad Sarajevo, Novi Travnik, Novo Goražde, Novo Sarajevo, Olovo, Pale, Pale Prača, Rogatica, Rudo, Sokolac, Stari Grad, Tešanj, Travnik, Trnovo, Trnovo RS, Usora, Vareš, Visoko, Višegrad, Vitez, Vogošća, Zavidovići, Zenica i Žepče (mapa regije dostupna je na kraju dokumenta)

Ovaj poziv predstavlja početak prvog ciklusa. Za odabrane dvije grupe unutar prvog ciklusa sprovede će se sljedeće aktivnosti:

- Posjeta grupi, procjena trenutnog statusa organizovanosti, ciljeva i interesa za buduće zajedničko djelovanje kao i kapaciteta za preduzetničke poduhvate;
- Razvijanje ideje koja će biti podržana i izrada plana zajedničkih strateških aktivnosti grupe/pozicioniranja u budućem djelovanju zadruge/udruženja ili drugog vida poslovnog organizovanja;
- Finansiranje tehničke podrške (ukupno osam grupa tokom četiri ciklusa) za usluge formiranja grupe, kao što su različite konsultacije, mentorstvo i smjernice u sljedećim temama: pravni aspekti formiranja grupe i registracije udruženja/zadruge/biznisa, poslovno planiranje, marketing, finansiranje, tehnologija i logistika, nabavka, prerada i pakovanje proizvoda, zajednički nastupi na sajmu, uvođenje oglednih procesa/tehnologija itd.

III Način prijave

Zainteresovana grupa treba da popuni kratki prijavni obrazac, koji se može preuzeti na web adresama www.farmabih.ba ili www.rez.ba / www.nestovise.org i da ga pošalje na adrese: adnang@rez.ba i/ili duskocvjetinovic@nestovise.org. Prijavni obrazac možete takođe zatražiti i upitom na dole navedene kontakte.

IV Vremenske odrednice

Poziv je otvoren tokom cijelog trajanja projekta odnosno do iskorištenosti sredstava. Sredstva će se dodjeljivati u 4 ciklusa (po dvije inicijative po ciklusu). Svaka prijava važi i za sljedeće cikluse. Za prvi ciklus zainteresovane grupe trebaju najkasnije do 20.09.2017. godine poslati popunjen obrazac, nakon čega će se organizovati posjeta odabranim grupama. Finalni izbor odabranih grupa izvršit će se najkasnije do 10.10.2017. godine, nakon čega slijedi sprovođenje gore navedenih aktivnosti.

Napomena: Implementatori zadržavaju pravo da ne prihvate bilo koju ili sve od pristiglih prijava i nisu obavezni da posebno obrazlažu svoju odluku.

Dodatne informacije:

Adnan Gazija

Projekt menadžer, Regionalna razvojna agencija za regiju Centralna BiH

www.rez.ba

Mob: 061 622 736

Tel: 032 462 161

E-mail: adnang@rez.ba

Duško Cvjetinović

Izvršni direktor, Udruženje građana "Nešto Više"

www.nestovise.org

Mob:065 514 031

Tel: 033 788 740

E-mail: duskocvjetinovic@nestovise.org

